

ԳԼՈՒԽ Զ.

ԱՐԵՒՄՏԱՀԱՅՈՑ ԵՐԿՐՈՐԴ ՀԱՄԱԳՈՒՄԱՐԸ

Մայիս 28-ի ակտը

1919թ. դարնան Հայաստանի կեանքի կարևոր երևոյթներից մէկն էր և Արեւմտահայ երկրորդ համադումարը:

Հայաստանի Հանրապետութեան դոյութեան սկզբի շրջանում, արեւմտահայութիւնը իրեն մեկուսացած էր պահում պետական կեանքից: Այդ արտայայտում էր շատ բաներում. պետական հիմնարկութիւններում, համեմատաբար, քիչ արեւմտահայ պաշտօնեաներ կային. արեւմտահայ երիտասարդութիւնը պարտադիր զինուորակոչից խուսափում էր: Ուրիշ պետական պարտաւորութիւնների հանդէպ էլ արեւմտահայութիւնը վերապահ էր և, առհասարակ, հարադատ չէր դրում իրեն հանրապետութեան մէջ: Անդրաշիկը, որ Բաթումի դաշնագրից յետոյ իր զօրամասով ու զաղթականներով հեռացել էր Հայաստանից և ապա ամրացել Զանգեզուրում՝ թշնամական դիրք բռնելով «Թիւրքերի ձեռքով ստեղծած» հանրապետութեան վերաբերմամբ, զգալի չափով արտայայտիչ էր արեւմտահայերի այն ժամանակւայ մտայնութեան: Ազգային Պատերազմութիւնը Փարիզում Պօղոս փաշա Նուպարի գլխավորութեամբ աւելի հեղինակութիւն էր վայելում արեւմտահայերի մէջ, քան Հայաստանի Հանրապետութեան կառավարութիւնը: «Հայաստանի Հանրապետութիւն» խօսքն էլ ընդունելի չէր շատերի համար — եղածը սոսկ «Արարատեան Հանրապետութիւն էր»:

Ընդհանրապէս, «Արարատեան Հանրապետութեան» կառավարութիւնը ամէն կերպ աշխատում էր վերացնել այդ խորթութիւնը և, առհասարակ, հատուածական խնդիրը Հայաստանում — մի գործ, որ, ի հարկէ, հեշտ չէր այն ժամանակւայ պայմաններում: Տասնեակ տարիներ հայ քաղաքական միտքը դաստիարակւել էր այն ուղղութեամբ, որ Հայաստանը այնտեղ էր, Բարթոլեան լեռնաշղթայի միւս կողմը, հայկական հօրը, Հայաստանի ինքնավարութիւն, հայ պետութիւն կարող էր լինել միայն թիւրքահայաստանում, և, յանկարծ, բոլորովին չսպասւած տեղից՝ մէջտեղը բանում է ինչ որ մի «Հայաստանի Հանրապետութիւն» — մարսելի՞ բան էր այդ: Յետոյ, այդ «Հանրապետութեան» մէջ դեռ շատ բանից՝ օրէնքներից ու լեզուից սկսած մինչև ներքին կարգերը, մինչև հանրային կենցաղն ու բարքերը՝ ուռաի հոտ էր բուրում: Արեւմտահայութեան մտքին ու զգացմունքներին այդ բանը խորթ էր, անհարադատ: